



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Canonicis Ecclesiae beatae Mariae Tornacen.

urn:nbn:de:hbz:466:1-20006

monachi nullatenus excludantur, ne forte venire contra sanctiones canonicas videremus, quibus provida fuit deliberatione statutum, ut quæ semel Deo dedicata sunt monasteria, semper maneat monasteria; cum & hodie generaliter statuat ut ordo monasticus, qui in aliquo monasterio secundum Deum & beati Benedicti regulam dignoscitur institutus, perpetuis ibidem temporibus inviolabiliter observetur. Si verò prædictorum Episcoporum copiam habere non poteris, tu cum eorum altero juxta præscriptam formam in ipso negotio procedendi habeas potestatem. Nulli ergo &c. Datum ut supra.

E I D E M.

C Vm in ecclesia Dei ex dispositione divina locum obtineas digniorem, petitionibus tuis tanto libentius favorem apostolicum impertimur, quanto eas credimus ex maturiori deliberatione procedere, & personam tuam cognoscimus ad augmentationem ecclesiasticæ dignitatis sollicitius aspirare. Cum igitur tibi tam à felicis recordationis Celestino Papa prædecessore nostro quam à nobis de fratrum nostrorum consilio sit indultum ut infra Castrum tuum, quod Mofomum dicitur, in abbacia ejusdem castri valeas episcopatum erigere, vel si malueris in eodem Castro aliam Cathedralem Ecclesiam, cui præficiatur Episcopus, fabricare; ut laudabile tuæ voluntatis propositum melior sequatur effectus, & ad exaltationem novi episcopatus studeas affectuosius & intendas, personæ tuæ, quam prærogativa dignitatis honorare volumus speciali, auctoritate præsentium indulgemus ut liceat tibi, quoad vixeris, personaliter in eodem episcopatu, eorum requisito assensu quibus Episcopus præficiendus extiterit, nullius contradictione vel appellatione obstante, personam idoneam instituere in Pontificem, qui populo sibi commisso præesse valeat & prodesse. Nulli ergo &c. Datum &c. ut supra, vii. Idus Maij.

MAGISTRO GVISELIN.
Subdiacono nostro, Cancellario
Tornacen.

C Vm à nobis petitur &c. usque ad verbum illud effectum. Ad audientiam nostram siquidem te referente per-

venit, quòd cum felicis rec. Celestinus Papa prædecessor noster causam quæ vertebatur inter te & Laurentium Clericum de Brugis, super præbenda spectante ad magisterium scholarum sanctæ Mariæ in Brugis, venerabili fratri nostro Vvillielmo Remen. Archiepiscopo sanctæ Sabinæ Cardinali commisisset sine debito terminandam, ipse allegationibus utriusque partis auditis & cognitis, de prudentum virorum consilio te ab ipsius impetitione absolvit, super hoc perpetuum silentium imponens eidem. Nos igitur quod per eundem Archiepiscopum factum est volentes debitam firmitatem habere, præbendam ipsam, sicut justè possides & quietè, devotioni tuæ auctoritate apostolica confirmamus &c. Nulli ergo &c. Datum Romæ apud sanctum Petrum i v. Non. Maij.

TORNACEN. EPISCOPO.

C Vm Ecclesiarum omnium cura nobis imminet pastoralis, sic nos convenit circa utilitatem ipsarum attentius vigilare, ut quæ malè ordinata sunt in eis, in statum revocentur auctore Domino meliorem. Intelleximus siquidem per petitionem ex tua nobis parte portectam, quòd redditus duodecim Altarium, qui ad mensam episcopalem specialiter fuerant deputati, quidam prædecessorum tuorum retroacto tempore minùs rationabiliter distraxere. Volentes igitur tibi & Ecclesiæ tuæ paterna sollicitudine providere, ut redditus illos, qui in præjudicium tuum à mensa episcopali irrationabiliter sunt subtracti, tibi liceat appellatione remota legitimè revocare, fraternitati tuæ auctoritate præsentium indulgemus. Nulli ergo &c. Datum &c. ut supra, v i. Non. Maij.

CANONICIS ECCLESIAE
beate Mariæ Tornacen.

C Vm à nobis petitur &c. usque ad verbum assensu; ut redditus, qui à diversis donatoribus ad usum Vicariorum Ecclesiæ vestræ, qui non sunt majoris altaris servitio deputati, per temporum vices proveniunt, colligantur in unum, & per ministros vestros inter eosdem Vicarios æqualiter dividantur, qui communi assensu Capituli, secundum antiquam & rationabilem Ecclesiæ vestræ consuetudinem institui valeant, & similiter amoveri, liberam vobis auctori-

L iij

Epist. 155.
Vt à decessoribus alienari revocet.

Epist. 156.
Vt fructus Altarium Vicariis æqualiter dividantur.

tate presentium concedimus facultatem. Decernimus ergo &c. Datum &c. ut supra, v. i. Idus Maij.

*CANONICIS ET CLERICIS
Tornacen. Ecclesie.*

Epist. 157.

CUm à nobis petitur &c. usque ad verbum postulationibus inclinati, ne coram alio iudice trahamini, nisi per appellationem, in causam, quamdiu sub examine venerabilis fratris nostri Episcopi Tornacen. vel dilectorum filiorum Decani & Capituli vestri stare juri volueritis, præterquam de nostro vel Legati nostri mandato, auctoritate vobis presentium indulgemus. Liceat quoque vobis, cum generale interdictum terræ fuerit, exclusis interdictis & excommunicatis, clausis januis, non pulsatis campanis, & suppressa voce, divina officia celebrare. Nulli ergo &c. Datum &c. ut supra, i. v. Idus Maij.

*CANONICIS ECCLESIAE
beate Marie Tornacen.*

*Epist. 158.
Quod fructus
majoris altaris
possint divide-
re.*

CUm à nobis petitur &c. usque ad verbum illud assensu, ut redditus, qui per temporum vices à diversis personis ad usum vicariorum majoris altaris Ecclesie vestre proveniunt, colligantur in unum, & per ministros vestros inter vicarios æqualiter dividantur, qui communi assensu Capituli, secundum antiquam & rationabilem Ecclesie vestre consuetudinem institui valeant, & similiter amoveri, liberam vobis auctoritate presentium concedimus facultatem. Decernimus ergo &c. Datum Romæ apud sanctum Petrum.

*CANONICIS ECCLESIAE
beate Marie Tornacen.*

*Epist. 159.
Confirmatio
constitutionis
causam, super
fructibus bene-
ficii Ivonis.*

CUm à nobis petitur &c. usque ad verbum illud vestris postulationibus gratam convenientiam impendentes, institutionemque quam super fructibus beneficii, quod fuit olim Hyvonis de vinea, cujus etiam donatio ad vos nullo medio pertinebat, de voluntate & consilio venerabilis fratris nostri Stephani Episcopi vestri in Ecclesia vestra fecistis, videlicet ut fructus illi ad agenda communia negocia Capituli perpetuo debeant applicari, sicut ipsa institutio rationabiliter facta est, & hætenus observata, & in authentico exinde confecto plenius continetur, auctoritate aposto-

lica confirmamus &c. Nulli ergo &c. Datum &c. ut supra, i. i. Kalend. Maij, Pontificatus nostri anno primo.

*ELECTO CAMERACENSI,
sancti Auberti & sancti Gilleni
Abbatibus.*

CUm in ecclesia Dei omnia fieri debeant ordinatè, non est à Prælatibus Ecclesiarum ex impetu vel pro quæstu ad sententiam procedendum: sed ad hoc eò majori debent maturitate procedere, quò turpius & absolum magis existit de prolata temerè sententia quam de ferenda minùs rationabiliter reprehendi: quorum alteri, primo videlicet, pœna ex præsumptione debetur, secundo verò venia pro ignorantia vel diligentia minori donatur. Sanè significantibus dilectis filiis Abbate & Conventu S. Vedasti Atrebaten. didicimus quòd si quando inter eos & venerabiles fratres nostros Episcopos, & dilectos filios Archidiaconos, in quorum parochiis aliqua eorum Obedientiæ vel capella consistit, super aliquo controversia vertitur, vel alicui ipsorum non satisfaciunt juxta desiderium postulantis, ipsi Ecclesias eorum in suis parochiis constitutas interdicto subjiciunt, & interdictum ipsum, nisi placati muneribus, non relaxant. Volentes autem Ecclesie sancti Vedasti paterna sollicitudine providere, eisdem Episcopis & Archidiaconis per scripta nostra præcipiendo mandavimus, ne ejus Ecclesias sine manifesta & rationabili causa interdicto supponant, nec occasione secularium negotiorum aut quæstionum emergentium, seu causa lucri captandi, Cappellanos in ejus Ecclesiis commorantes impediunt quominus in Ecclesiis suis divina valeant officia celebrare. Quocirca discretioni vestre per apostolica scripta præcipiendo mandamus, quatenus, si præfati Episcopi vel Archidiaconi forsitan in Ecclesias eorundem Abbatis & Conventus sententiam interdicti minùs rationabiliter duxerint promulgandam, vos de sententia ipsa, appellatione postposita, cognoscatis, & eam post cognitionem, si talem ipsam inveneritis, auctoritate freti apostolica relaxetis. Nullis literis &c. harum tenore tacito. Datum Romæ apud sanctum Petrum i. i. Kalend. Maij, Pontificatus nostri anno primo.

*Epist. 160.
Vt injustam in-
terdicti senten-
tiam revocet.*